



## Aapparisamut akilersuutit pillugit ilitsersuut

### **Katissimanerup nalaani aapparisamut akilersuutit**

Aappariit katissimanermanni akunnermanni pilersoqatigiinnissaminnut pisussaaffeqarput. Najugaqatigiikkunnaarussi imaluunniit aappavit ilinnik pilersuisussaataani sumiginnarpagu aappavit ilinnut akilersuutini akiliisalernissaanik Kalaallit Nunaanni Naalagaaffiup Sinniisoqarfia qinnuteqaateqarfigisinnaavat.

Katissimanerup nalaani aapparisamut akilersuutini pisartagaqalernissat qinnuteqaatigisinnaavat najugaqatigiikkaluarsiluunniit aamma isumaqatigiinnginneq pissutigalugu najugaqatigiinngikkaluarsiluunniit.

Angutit arnallu aapparisamut akilersuutini pisartagaqalernissamik qinnuteqaateqarsinnaapput.

### **Averusernermi avinnermilu aapparisamut akilersuutini pisartagaqarneq**

Averusernermi imaluunniit avinnermi aappariit akunnermanni pilersoqatigiinnissamut pisussaaffii atorunnaartarput. Naalagaaffiup Sinniisoqarfia aqutigalugu averusernermi imaluunniit avinnermi aappaasup aapparminut pilersuineri ingerlaannassasoq isumaqatigiissutigineqarsinnaavoq. Tassa aappaasoq aapparminut akilersuutini akiliisassasoq.

Akilersuuteqarnissaq isumaqatigiissutigineqarpat pilersuinerup siviussusissaa, assersuutigalugu averusernermi imaluunniit avinnermi ukiut amerlassusiat aalajangersimasoq aamma isumaqatigiissutigineqassaaq.

Aningaasat aalajangersumik annertussusilernissaat pisariaqanngilaq. Tamatuminnga Naalagaaffiup Sinniisoqarfiata ikiorsinnaavaasi. Pisussaaffigalugu akilersuutini aamma isumaqatigiissutigineqarsinnaavoq, taamaakkaluartorli akilersuut sulit 0 kr.-iusinnaavoq. Arlaata aatsaat kissaateqarneratigit aningaasat annertussusilerneqassapput.

Aapparisamut akilersuut aalajangersumik annertussuseqassasoq isumaqatigiissutigussuik arlassi kissaatigippagu akilersuutip annertussusia Naalagaaffiup Sinniisoqarfianit allangortinneqarsinnaassasoq aamma isumaqatigiissutigineqartariaqarpoq.

Aapparisamut akilersuut pillugu isumaqatigiissut averusernerup nalaani kisimi atuutissasoq averusernermi toqqarneqarsinnaavoq. Tamanna ilissi aalajangissaraarsi. Aapparisamut akilersuut avinnermi eqqartoqqissallugu aamma periarfissaqarpoq.

Aapparisamut akilersuut isumaqatigiissutigisinnaanngikkussuik Naalagaaffiup Sinniisoqarfia aqutigalugu aversusersinnaanngilasi imaluunniit avissinnaanngilasi. Tamatumunnga taarsiullugu najukkami meqqartuussivimmuut saaffiginnissaasi averusernermi imaluunniit avinnermi aapparisamut akilersuut ilanngullugu aalajangiiffigineqassammat.

### **Akilersuutip annertussusia**

Akilersuutip annertussusia nammineq isumaqatigiissutiginnikkussuik tamanna pillugu Naalagaaffiup Sinniisoqarfiata ikiorsinnaavaasi. Ankestyrelsens Familieretsafdelingip najoqqutasatut maleruagassiai ilaatigit tunngavigalugit akilersuut annertussusilerneqassaaq. Ilaatigit makku ilanngunneqassapput:

- Akileraanginnermi aapparisap isertitai
- Meeqqanut akilersuutini aningaasartuuteqartoqarnerisooq. Meeqqanut akilersuutit aamma meeqqanut pisussaaffiit allat kisimik aningaasartuutit ilanngunneqassapput.

Aapparisamut akilersuutit annertussusilernissaanut maleruagassat atuarneqarsinnaapput Familie-  
retsafdelingip nittartagaani [www.familiestyrelsen.dk](http://www.familiestyrelsen.dk)

## Qinnuteqaat

### **Katissimasutut aappaariinerup nalaani**

Katissimasutut aappaariinnerup nalaani aapparisamut akilersuummik qinnuteqaateqassaguit, assersuutigalugu isumaqatigiinnginneq pissutigalugu najugaqatigiikkussi, Kalaallit Nunaanni Naalagaaffiup Sinniisoqarfianut saaffiginnissaatit. Qinnuteqaateqarnermut immersuiffissaqangi-  
laq, sapinngisamilli sukumiisumik nassuiassavat, naak suli katissimagaluarlusi ilinnut akilersuutini-  
k aapparisat sooq akilersuisariaqartoq isumaqarnermut.

### **Averusernermi avinnermilu**

Kalaallit Nunaanni Naalagaaffiup Sinniisua aqutigalugu averusissagussi imaluunniit avissagussi  
aapparisaq akilersuutini-  
k akiliisassanersoq averusernermi imaluunniit avinnermi aalajangerneqas-  
saaq.

Najukkami Eqqartuussivikkut averusissagussi imaluunniit avissagussi aapparisaq akilersuutini-  
k akiliisassanersoq averusernermi imaluunniit avinnermi aalajangerneqassaaq.

## Allannguut

Akilersuutip allanngortinnissaa qinnuteqaatiginiarukku aapparisamut akilersuut pillugu suliami  
ilinnut tunngasumi aalajangeeqartuusimasooq attaveqarfigissavat, tassa Naalagaaffiup  
Sinniisoqarfia imaluunniit najukkami eqqartuussivik. Aamma akilersuutip annertussusiata  
allannguutissaa pillugu ilissi nammineerlusi isumaqatigiissuteqarsinnaavusi.

Aapparisamut akilersuut pillugu suliami Naalagaaffiup Sinniisoqarfia aalajangeeqartuusimappat  
allannguut pillugu qinnuteqaammik immersuissaatit. Qinnuteqaateqarnermi immersuiffissaq  
Naalagaaffiup Sinniisoqarfiata nittartagaani nassaarisinnaavat. Aamma qinnuteqaateqarnermi  
immersuiffissaq Kalaallit Nunaanni Naalagaaffiup Sinniisoqarfianut aaneqarsinnaavoq Nuummilu  
najugaliunngitsut najukkami politeeqarfimmut aallersinnaapput.

Allagaatit pisariiallit tamakkerlugit qinnuteqaammut ilanngunneqassapput. Allagaatit  
ilanngunneqartussat immersugassami allatorneqarsimapput. Allagaatit eqqortut tamakkerlugit  
ilanngussimannikkukkit suliaq ilinnut tunngasoq Naalagaaffiup Sinniisoqarfiata suliarisinaan-  
ngilaa.

Qinnuteqaat allagaatillu pisariiallit Kalaallit Nunaanni Naalagaaffiup Sinniisoqarfianut nassiunne-  
qassapput imaluunniit tunniunneqassapput aamma Nuummi najugaliunngitsut najukkami  
politeeqarfimmut nassiutissavaat imaluunniit tunniutissavaat.

**Malugiuk:** Naalagaaffiup Sinniisoqarfia aqutigalugu averusersimagussi imaluunniit avissimagussi  
aapparisamullu akilersuutip annertussusia Naalagaaffiup Sinniisoqarfiata allanngortissanngikkaa  
isumaqatigiissutigisimagussiuk, akilersuut eqqartuussivimmit kisimi allanngortinneqarsinnaavoq.  
Aapparisamut akilersuut pillugu suliamik eqqartuussivik aalajangeeqartuusimappat, akilersuutip  
annertussusiata allanngortinnissaa pillugu eqqartuussivimmut saaffiginnissaatit.

## Atorunnaarsitsineq

Aapparisamut akilersuutini-  
k akiliisartussaataaneq nammineq atorunnaarsittarpoq pisut marluk  
uku pigaangata:

- Akilersuutini-  
k akilersuisuusoq, toquppat
- Akilersuutini-  
k pisartagalik, kateqqippat imaluunniit toquppat